



halbkomp.

24780

I


Mag. St. Dr.

P



24780

~~Herb. no. 9362~~



7

AD
PRÆLIMINAREM
ENUMERATIONEM
CAUSARUM,
OB QVAS
REX POSSESSOR
SUECIÆ, REGEM POLO-
NIÆ AC HÆREDITARIUM SUE-
CIÆ REGEM BELLO ADORIRI:

Quali coactus sit;
RESPONSIO.



ANNO M. DC. LVI



ILLUSTRISSIMO ET EXCELLENTISSIMO
PRINCIPI DN. STEPHANO COMITE
DE PILTZA KORYCIENSKI, REGNI POLONIE

Supremo Cancellario, Regiæq; Civitatis Varſavient.

Gubernatori &c. &c.

Domino suo & Benefactori Colendissimo.

Nicephorus Nicoymius, optimè feliciterque agere.

Miraberis fortassis, Illustrissime & Excellentissime Domine, me Nation: Gra- cum de rebus Polonicis disceptare, in re præsertim à Vestratibus silentio omni- no prætergressa, seu potius contempta. Sed ne animo admiratione occupato ad legendum has, quas Excellentia Tua transmittit chartas accedas & impediaris, causas meæ scriptionis brevibus accipe. Fui, ut nosti, à teneris annis ad meliores scientias promotus beneficio Magni in Repub. Vestra Principis Viri Illustrissimi Gorayski Castellani Kicoviensis nuper defuncti, ejusque sumptu tuuensis adhuc Italiam, Gallias, & Germanias nobilis Peregrinus perlustravi. Cum illo postmodum interfui primo Lubecensi congressui, cum de pace perpetua cum Suecia ageretur. In Poloniam demum redux, cum, vale dicto Patriis laribus, Romam illam Augustissimam Nationum omnium Matrem adire, ibique mansionem fieri constituiſsem, Regia Castra tunc temporis ad Oppidum Zmariec pos- sita pertransiens, Tua promotione & beneficentia, Illustrissime & Excellentissime Domine pensione annua donatus, literisq; Passus & commendatitiis à Regia Majestate munitus, huc me contuli, ubi literario otio meo Polona munificentia vacans, cum Eandem celebrare pro merito non valeam, defensam ejusdem à futilibus hostium calumniis, [et si ipse per se apud peritos evanescere potuissent] lubens suscepi. Feci equidem hic quod in Deorum Statuis usue venit, quorum capita, cum præ altitudine floribus redimiri non possunt; Corona statuitur ad- pedes. Et verè ad pedes Excellentia Tue, uti Primo Polonia Ministro status, Scriptum hoc meum venerabundis depono, nullo alio fine, nisi ut grati animi mei tesseram in Benefactri- cem meam aliquomodo promam, & erga Excellentiam tuam obligationum mearum me- moriam nunquam intermorituram, saltem verbis, contestari valeam. Optimè Vale Illu- strissime & Excellentissime Domine, meque Clientem Tuum Tuo favore prosequi perge. Dabam Romæ Quinto Non. Martii. Anno Dom. 1656.



217807



Entis benè dispositæ, rectique Judicii Decretum est: eum, qui in alium dicere paratus sit, omni culpâ carere oportere; ut Proverbium Vetus hæc etiam Responsio nostra in fronte gerat. Hoc non observarunt Sueci, qui in sua præliminati enumeratione, maximo præsumptionum & interpretationum apparatu, in Reges Rempub. Poloniam, variarum offensionum culpam rejicere conantur, conscientia sua minimè discussa, an ipsi mer à culpa in alios rejecta sint immunes. In hoc tantum non injuri, quod, cum talia figmenta ædes Veritatis introire minimè deceat, juremeritò ea præliminari nomine insignita voluerunt. Sed, ne verbis certare velle videatur, ostenderur brevi: Primo; Quid Reges, & (nomine Reipub.) Procures Poloniæ, vigore Pactorum Stumdorfianorum præstare debuerint: Secundo; an contraverint vel omissione vel Commissione, idque iis rebus à Suecis in suo Scripto enumeratis: & Tertio; an ipsi Sueci potius non contraverint, & insuper per præruptas Inducias Jura Gentium enormiter non violarint, & omnes terminos justitiæ & æquitatis non sint prætergressi.

Quatuor, Reges Poloniæ essentialiora, duranti bus viginti Sex Annorum Induciis, & totidem Reges Sueciæ, præstare debebant.

Primo. *Omni bus hostilitatibus abstinere.*

Secundo. *In præjudicium & detrimentum alterius nihil moliri tentare, vel per se vel per alios nec terra, nec mari.*

Tertio. *Controversias exortas, per Commissarios utriusque Gentis ad Fines Livonia sopire, decidereque.*

Quarto. *Tractatus inter eà de pace perpetua instituere, & licet semel iterumque non successisset, Inducias tamen sacrosancte observare.*

Procures verò sive Senatores Poloni, ad requisitionem Suecorum peculiariter fidejusserunt pro posse opponere, ne à Rege suo Pacta violarentur. Et ecce paucis verbis omnia enumerata, quibus Reges Procuresque Poloniæ adstringebantur.

Dividunt hic tempora Sueci, & asserunt alias injurias illis illatas esse tempore SERENISSIMI VLADISLAI IV. gloriolissimæ memoriæ, alias, tempore SERENISSIMI SUCCESSORIS moderni JOANNIS CASIMIRI, Poloniæ & Sueciæ Regum.

Porro, super injuriis tempore VLADISLAI præteritis, prætextum belli

Ati Suecos minimè fundare posse vel hinc pater, quod ista injuriæ, (data tantum non concessæ) cum persona etiam interierint.

Sed ne fidejussio Senatorum pro incompleta habeatur; & hinc deducatur causa belli, easdem injurias omnes ad lapidem Lydium facti & veritatis admovebimus.

Dicunt primo: *Tantum abesse ut credi possit, BOTHIV M cum Militaribus copiis: inscio & invito Rege Polonia VLADISLAVO IV, tot Provincias & Ducatus dicti Regni (Poloniae) ad infestandum armis Livoniam pervadere potuisse.*

Ad hoc respondetur: *Bothium* Colonellum fuisse Cæsareum, qui certâ militum manu Gedani & Regiomonti festinanter & insciis Magistratibus collecta, in Livoniam irrupit. An inscio vel conscio VLADISLAVO Rege: hoc nemini constar, nec ipsis Suecis; qui ideo non assertivè sed tantum consequentialiter irruptionem *Bothii* Regi Poloniae adscribunt, dicunt enim: *tantum abesse ut credi possit.* Magna profecto dubietas illi rei accidit, quæ credi & non credi potest. Desunt ergo in hoc puncto certissima probationis argumenta, & nobis sufficit, quod Senatores, acceptâ hujus facti notitia, ulteriorem collectionem militum, ultioresque in Livonia progressus scierunt, fidejussioni; suæ plenè satisfecerunt.

Instant hîc Sueci, & pro maximo delicto habent, quod à Senatoribus Reipub. Polonæ Magnique Duc: Lithvaniæ, nihil tamen solatii retulerint.

Ad hoc respondetur; Nescire, quid tandem solatii prætendant, dum omnibus moliminibus obviam itum, & motus omnes in Livonia sedati, nisi hoc prætendere vellent, Senatores Regem suum in Jus vocare debuissè, quod Polonis non est usitatum; nam, licet liberas voces Amplissimus Senatus habeat, nihilominus ad indignitates erga Dominos suos nunquam descendit, hoc uno contentus, quod dicendi Libertate & Modestia contradicendi, quasi quibusdam Contrariis inter se harmonicè certantibus, omnes Regum suorum conatus ad effectum ritè perducuntur.

Ad consequentiam verò quam inde eliciunt, & ad suppositionem de *Exercitu Lithvano ad manus habito*, nihil respondere opus est, cum plusquam certum sit, Lithvanos tunc temporis Exercitum non habuissè, non poterat enim esse in spatiis imaginariis, nec colligini sine Comitiorum consensu. Exercitum porro paratum non habere & aliquem lædè re velle; pars insanix esset: Ergo maximè a Veritate alienum est, *scientibus & impellentibus Polonis hoc accidissè.* Et ecce quomodo statim in principio, præsumptionibus minimè probabilibus laborare incipiunt.

Quod *Croskovius* Cæsarianus Exercitum Dux in Pomeraniam per Poloniam insperatè irruerit; Verum est: Sed, quod à Parte Polonæ averti potuisset, negatur. Nam vi Pactorum obligavit se Respub. omnem adfidentiam contra Suecos cuilibet denegare; sed non invenitur in Pactis, quod teneatur cum Suecorum inimicis.

inimicis bellum gerere; cum ad hunc finem opus fuisset alere Exercitum; ad quod memoratorum Pactorum vigore, non adstringebatur. Ex ista ratione non potuit impediri nec creditus. Imo, iste sicuti transitus tam fuit insperatus, quod multi ex Proceribus & insigniori Nobilitate Majoris Poloniæ, sese discrimini subducendo, nescii, quamam copia essent, & quid sibi vellent, Posnam se receperunt. Et cum Crockovius transitus prius per Civitatem, postmodum penes eandem urgere, nec ad resistendum pares essent (numerabantur enim sub Crockovii signis septem militum millia.) transitum penes Civitatem concesserunt, receptis ante omnia pro obsidibus octo sui Exercitus Ducibus, (Vulgo Colonellis.)

Ad roborandum deinde istud prætensi hostilis animi indicium, gratis Sveci hæc adjungunt: haud satis fuisse Polonis, Crockovio transitum indulgisse, verum etiam ex Pucensi Fortalitio, aliisque in Borussia locis, auxilia & tormenta eidem submisisse. Quod omne quantum à veritate alienum sit, vel hinc liquet, quod obsidibus prædictis opus non fuisset, si Poloni ex Pucensi Fortalitio dedissent tormenta & auxilia, vel talium conatum sive consentientes sive conscii fuissent. Ad hæc, nulla tormenta habuit Crockovius quando per Poloniam transit, præter duos parva Campestria; uti etiam verisimile est, eum celerem suam excursionem tormentorum bellicorum pondere remorari minimè voluisse.

Verum enim verò, quando quidem de improvviso & irre, mediabili Crockovii transitus mentio incidit, interrogare licet Svecos, quando illis transitus per Poloniam negatus fuit? Forſan tunc temporis, quando illorum Gnalis Bannerius Casarianis copiis circumseptus, uxorem suam cum omnibus impedimentis & curribus multaque onustis, adhibita mille ducentorum Equitum custodia, per Poloniam transmisit in Pomeraniam? Forſan, quando eadem Bannerii Uxor omni humanitate & securitate Posnam recepra fuit absque obsidibus? Quare Casariani non habiterunt hunc transitum pro Indicio hostilis Polonorum animi; imo illam spoliis totius Germaniæ onustam, persecuti sunt, usque ad fines Poloniæ tantum, & eosdem Pertransire non ausi; Ubi è contra, Sveci Crockovium Persequentes Polonicas ditiones Suecicæ licentia ingressi eundem usque ad Fluvium Norem, & Fortalitium Viscie insecuti sunt.

Sed prætermittenda ista, ne gratitudo in Svecis requiri videatur, ad enormes machinationes circa Insulam Oeseliæ transire liceat. Quia vero rem hanc Sveci tanta innolunt nube obscuritatis, ut non facile sit conjicere, quid sibi voluerint, & de quo conquerantur, opere pretium erit paucis rem ut se habet, & ut gesta fuit exponere, ut toti Orbi inanitas hujus expostulationis patere possit.

Pertinet medietas hujus Insulæ ad Episcopatum Vendenſem in Livonia; quæ medietas tempore Cruciferorum à Ioanne Meninghausen Vendenſe Episcopo, Regi Daniæ, salvo Iure retractus, oppignorata fuit, & hoc Iure in Danorum manibus ad hæc usque nostra tempora permansit. Bello denique non

ita pridem inter Suecos & Danos exorto, & subsequenter sedato, cum Rex Daniæ Christianus Quartus vigore pactorum Bromsebroensium, de integra illa Insula Svecis cederet, Rex Poloniae VLADISLAUS, Camerarium suum Bergkium mittit ad præcustodiendum Ius suum, quod Ei super illius Insulæ medietate uti Livoniæ Duci competebar, ista adjecta clausula: Salvis Induciis. Unde ergo tantus fragor oritur & tanta latio? forsitan non licet tempore Induciarum Ius suum præcustodire quando silentium præiudicium inuoluit? Vel autem antea Sueci, quod per illas Inducias Reges Poloniae Ius amiserint in Livonia? & quod illis non liceat post illarum expirationem si aliter interea non fuerit Iure transactum, eandem Provinciam Armis recuperare, sicuti armis occupata fuit? Verè, si illorum Gubernator nihil majus pro Patria præstitit præter hoc, quod Bergkio sine ulla Induciarum latione agenti, (tantum abest, quod inermis tam ipse quam Rex ejus Insulanos ad defectionem sollicitaverit) quod Bergkio inquam, Actum Iuris necessarium impedire conatus sit, grande præmium refert, quod tot cumulat laudibus, & vix observatam Patriam Triumphali Coronâ non redimitur.

Quod verò sublequentem *Tentationem fidei subditorum Regni Sveciæ in Livonia* expobratam attinet; patet ex rationibus directi in Livoniâ dominii supra præactis, licuisse semper Regi VLADISLAO, licuisse Successori moderno, & quo usque de Livoniâ aliter non transigatur, licitum futurum fore omnibus Successoribus, illius Provinciae Populos, quando de intolerabilibus conqueruntur gravaminibus, ad eorundem tolerantiam confirmare; quod à Suecis vocatur *Tentatio fidei subditorum & Pactorum Violatio*. Iudicet Orbis, an Paterno directi Dominio officio in Subditos, injuriis Armis occupatos, tale nomen conveniat, & an res sit verita necne?

Ad extremum, Nihil evidentius probare potest scripti sive mavis enumerationis Svecicæ levitatem, quam quod sequenti articulo, cum Svecus conquestus esset, certas quasdam molitiones cum Christiano Quarto Daniæ Rege, cumque Arnheimio & Baudisio in perniciem Sveciæ initas fuisse, statim postea hæc verba subjungit: *quæ singula recensere longum foret, & à proposito nobis compendio alienum*. Quasi nimirum si quid in eâ re veri haberetur, id brevitate studio lubens omitteret. Ecce quomodo pergunt Universo illudere Orbi, & scripto publico Populorum credulitati imponere.

Sed esto quod Rex Daniæ, Arnheimius & Baudisius nescitur quid agere debuerint. Sufficit, quod ex hoc nullum Svecis evenit damnum. Et hinc inferri potest, quod etiam si verum fuisset, (quod nescitur nec conceditur) Senatus, impediendo ne conatus prætensi ad effectum deducerentur, suas partes egregie obivit, & suæ obligationi per totum hoc tempus plenissime satisfecit.

Tempora jam SERENISSIMI VLADISLAI IV. emensi sumus & ullam injuriam Svecis, vel violentiam Induciis, nec à Rege nec à Repub. illatam fuisse invenimus.

Afcedit

Afcedit ergo Regium Poloniae Thronum Serenissimus & Potentissimus Princeps ac Dominus, Dom. JOANNES-CASIMIRUS, Inducis cum Possessrice Regina & Regno Sveciae ex parte Polonorum integris. Videre porro opere pretium est, an illas (uti Sveci praesumunt), tempore sui Regiminis sive ille, sive Resp. violaverit, necne?

Occurrit primo grave illud crimen, quod in commercio Literarum, cum praesentia Regina latina lingua uti noluerit. Proh Dii Immortales! Quando desinetis istis nugis illudere Orbi? Haecne est causa bellorum? apud vos idiomata & omisio titulorum sunt praesudicia & laesiones tales, ut non nisi ruptione Fæderum, Regnorum devastatione, ferro, igne, caedibus, & rapinis expiari debeant? Hinc clarum habet Polonia & Lithuania indicium, Moschum, vobis suggerentibus & persuadentibus, ex simili praetextu bellum illis intulisse. Equidem si daretur, Regem Poloniae ad Idioma aliquod vel ad dandum certos & specificatos titulos ex pacto aliquo obstrictum esse, quod non datur, sufficeret in tali calu literas non recepisse.

Deinde, quod sequitur de defectione subditorum in Livonia, etiam ad sudorem usque sollicitata, & de consiliis Riga capiendis, tum quod Gentem Cozacorum saepius in litaverit ut Livoniam irrumpere factionem, levitatem, & vanitatem scripti Suetici magis atque magis ostendit. Nam, quis sani iudicii credet unquam, Regem Poloniae, qui à primordiis Regni sui usque ad praesens tempus Ditiones sibi subjectas multo sudore bello tueri à multorum hostium inundatione coactus est, aliena oppugnare cogitasse, Quae verisimilitudo, Eum Suetigas Inducias rumpere voluisse nullo alio fructu, nisi ut novum bellum contra se excitaret, & aliis Hostibus etiam Suecos ad jungeret? Quae possibilitas, ut Cozacos, qui tanto Terrarum spatio sunt à Livonia diffusi, & hoc ipso tempore bellum ipsis erat cum Polonia, à qua se separaverant, ad aggrediendam armis Livoniam non dicam converteret, sed super hoc consilia cum illis communicaret? O veritatis amantes & Pactorum observantes! vobis dedit Deus in praemium vestrae probitatis, quod soli perspicaciam habeatis ingenii & iudicii, ideo vel simplici verbo imponere aliis ad libitum posse, vobis metipsis facile persuadetis.

Verum, jam ad tractatus pacis perpetuae Lubecae institutos devenimus, circa quos Sveci suo scripto omnium protelationum fucataeque tractationis culpam in Polonos rejicere conantur.

Appellare hinc liceret Mediatorum Iudicium, qui Viri Magni & omni exceptione majores controversiam hanc optimè decidere noissent. Ipsos siquidem non lauit, Serenissimum Regem Poloniae illud in hoc passu praestitisse, ad quod de rigore nunquam tenebatur. Nam, cum nulla alia bellorum omnium inter utrumque Regem causa extiterit, quam quod Poloniae Rex Sveciae Regno spoliatus, ejus tamen nomen & titulum non omitteret, quis non videt, quod ante conclusionem totalem pacis perpetuae, hoc titulo & insignis cedere minimè.

minimè adstringi poterat? Nec dicatur, quod vigore *Paſtorum* tenebatur, quia per totum *Inſtrumentum Induciarum* nihil tale poſitivè invenitur. Tantum in principio *Inſtrumenti*, ubi per modum narrationis utrorumque Regis & Regina nomina apponere neceſſe erat, & cæterationibus tituli ab utring; ſunt ſuppreſſi. Quo medio uſi ſunt poſtmodum etiam in commercio literarum, non ex pacto ſed explicito, ad tollendas controverſias. Apparet ergo, quod Rex ap-
timu, in ſuppreſſionem tantisper titulorum & Inſigniorum ſuorum in iſtis præliminaribus,) abſque tamen præjudicio in quantum principale negotium optato effectu careret, de quo extat proteſtatio Legatorum conſentiendo, prote-
lationibus non ſtudebat, ſed, quantum in illo erat pacem cupiebat ut quieti & tranquillitati utrorumque populorum conſuleret, quorum uni electivo lu-
re, alteri naturali, erant ſui: nec affectum erga iſtos in omnem eventum cum ti-
tulo deponere intendebat.

Quod Legatos attinet, certum eſt, eos etiam Polono candore & ſinceritate ſemper egiffe: nec per illos ſtetit, quin pax perpetua in primo Lubecenſi congreſſu totaliter concluderetur. Verum, Legati Suetici, arcano quodam ſi-
ne difficultates difficultatibus neſcendo, ad libitum præliminaria protrahere cupiebant; quod clarè patet ex objectionibus ad titulum & inſignia Regni Sve-
ciæ ſimul & una Polonicis Legatis non propoſitis, ſed data opera meditatoque conſilio de titulo & inſigniis diverſis egere temporibus. Intendebant nimirum vel tractatus proteſtationibus producere, vel in iſtis præliminaribus Ius ſuum injurioſum ad Regnum lærari. Legati Poloni è contra, innixi rationi & æqui-
tati hoc habebant in mente, non niſi cum ventum fuiſſet ad negotium, princi-
pale, de Iuribus & modo ſatisfactionis diſceptare. Extat Reſcriptum dilatorium
Commiſſionis ab iſtis Legatis Sueticis ſubſcriptum & in manibus Chriſtianif-
ſimi Regis Legati depoſitum, ubi nec minimam dilationis culpam in Polonos retorquent; imo in illis ſinceram faciendæ pacis voluntatem deprehendiſſe faſtus eſt ſemper Callicus Legatus. Quod Reſcriptum, ad meliorem omnium
informationem, de verbo ad verbum hic inferere placuit.

TENOR RESCRIPTI.

Cum juxta induciarum Paſta Stundorffiana anni Milleſimi Sexcentefimi
Trigeſimi Quinti, hortantibus etiam communibus amicis Principibus,
ac Rebus publicis, Ceſſiſſimæq; Duce Curlandia rem promovente in conſilio pa-
cis perpetua inter Reges Regnaq; Sveciæ & Polonia ſtabilienda, conſq; ventū
fuerit, ut præfixo tempore à Chriſtianifſimo REGE Primario Mediatore
cum iſtis Regibus, tum & cæteris mediatoribus, Commiſſarij utring; delecti
ſub ſinem proximè præſentis Veris, cum Chriſtianifſimi REGIS Corſiliario
ſecretio.

secretiore, & ad hoc Tractatus pacis Legato Plenipotentiaro Illustrissimo Domino Petro Chanut in loco acceptato, convenerint, factum sit, ut in ipso dehinc aditu conventus, difficultates quadam suborta moras objicerent, unde susceptum apparato multo negotium, cō prolabi jam instante hyeme videbatur, ut re prorsus infecta & panē non tentata discessio fieret. Indignum verò foret, si prater expectationem tanta molitio ad utriusque Gentis concordiam, & emolumentum instituta, incassum caderet, suadente praesertim Christianissimi REGIS Legato, & fidem interponente, quod, cum frequentibus colloquiis sinceram in utriusque partis Commissariis faciendae pacis & inoundae amicitiae voluntatem deprehendisset, spes certa melioris eventus affulgeret, ejusque promovendi gratia media quadam ab eodem Legato proponerentur: Nos, sub liberā ratihabitione Serenissima Regina Domina Nostra Clementissima, consensimus & convenimus, ut congressus hic noster secundum supradicta Pacta Induciarum reassumatur ad vicesimam diem mensis Aprilis scilicet veteri Anni Millefimi Sexcentefimi Quinquagesimi Secundi proximè instantis, quā praesigiente Christianissimo REGE, eadem tractatio pacis inchoabitur, & includetur spatio duorum mensium Maij scilicet & Junij: quo emenso, liberum erit utrique parti à conventu abscedere, ILLAESIS INDUCIIS, quamvis negotium nondum sit ad finem perductum, nisi ex mutuo consensu terminus iste fuerit prorogatus. Et quo planior expeditiorque fiat tractandi ratio, ubi ceptum fuerit futurum istud colloquium, per continuatam Christianissimi REGIS mediationem, eodem quo suscepta est studio à sua Majestate, eademque diligentia & integritate, qua per supramemoratum Legatum est administrata, procurabitur medio tempore, ut quae hactenus causae hujus conventus progressui obfuerunt, tollantur, ipsiusque disceptationis materia, quo fieri dabitur modo, tractabiliore evadat. Hanc vero conventionem & sponsionem ita demum valere volumus, & vim habituram intelligimus, si quemadmodum eam in supradicti Legati Domini Chanut manibus concedimus, sic etiam par omnino conventio & sponsio huic nostra ex aequo respondens à parte Polonia, apud D. Legatum deponatur, ab Illustrissimis, Illustribus, Magnificis, & Generosis D. Dominis Legatis Polonicis. In horum fidem praesentes literas manibus nostra subscripsimus & sigillis nostris firmavimus.

Lubeca, Octobris secunda die Anni Millefimi Sexcentefimi Quinquagesimi Primi.

Ioannes Adler Salvius.

Scherling Rosenhanc.

L. S.

L. S.

Hans VVachtmeister.

Laurentius Cantersteini.

L. S.

L. S.

Exemplar Originale Conventionis supratranscripta depositum est in manibus meis ab Illustrissimis D. D. Legatis Sueticis in eo nominatis, hic Lubeca die duodecima Mensis Octobris Anni Millefimi Sexcentefimi Quinquagesimi Primi.

Chanur.

L. S.

De sufficientia Plenipotentiae non possunt sine laesione veritatis conquiri Sueci. nam fuit & in primo congressu sufficientissima: tantum de Regio titulo controversia agitabatur; quem non temere, sed ex rationibus superius allatis, Poloni iure defendebant, & Sueci allegabant factum tempore VLADISLAI, qui Plenipotentiam dederat omisso Sueciae titulo. Sed in secundo Lubecensi congressu, cum Legati Poloni Plenipotentiam attulissent, ad normam VLADISLAVIANAE conceptam, hoc est, sola omissione tituli Regni Sueciae, adversa partis Legati controversiam excitarunt circa sigillum, nimirum quod in eo Regni Sueciae insignia continerentur.

Sistamus hic nos quæso parumper & rem prout gesta sunt animo revolvamus. Moniti Legati Polonici in primo Lubecensi congressu, ut Plenipotentiam ad instar Vladislavianæ adferrent. Satis fecerunt: De sigillo nulla tunc factamentio, & in Vladislavianâ Plenipotentia nihil amplius erat omissum præter titulum, alia insignia omnia in sigillo continebantur. Quis ergo sanæ mentis poterit unquam dilationem hanc Polonis imputare? Imo, quis non videt

videt aperte subterfugium Suecorum, eo fine, ne pax concluderetur antequam eorum secreta in perniciem Poloniae molitiones opportuniori tempore erumpere possent?

Pergunt nihilominus ulterius & queruntur, quod *quavis* Rex Polonia significasset velle se Legatos suos Reiquepub. Polonae Stockholmum mittere, ut coram Rege (Possessore moderno Sueciae) tractatus pacis auspicarentur absolverenturque Nihilominus missus tantum Internuncius, qui nullas ad tractandum statuendumque de pace perpetua plenipotentias adduxit.

Quali majore documento, opus est ad probandum, conclusionem pacis impense desiderari, praeter hoc, quod quis se offerat ad locum Residentiae alterius Legatos mittere? Praestitit hoc de facto Rex Poloniae, qui non tantum Internuncium illum, sed paulo post Comitem de Leszno Palatinum Lancicieensem Principem Virum Genere, experientia & dignitate in Rep. eminentem Legatum suum extraordinarium, cum alio Legato Viro Illustre, cujus nomen nos huc usque latet, Stockholmum misit plenaria instructos potestate, quos nihilominus oblivione praeterierunt.

Praeterissent forsitan etiam Internuncium, nisi subungere voluissent querimoniam de annis Regnorum ad calcem literarum fidei adnotatis, quod pro non parva injuria reputant. Sed discant, Poloniam nomine plurali quando libet uti posse sicuti Gallia & Hispania, & de facto aliquando utitur: & assuescant non indignari, quando Rex solius Poloniae annos suorum Regnorum ad calcem literarum in plurali annotare jubet, nam unum Poloniae Regnum ex pluribus Regnis, imo vastis Imperiis coaluit. Quis enim nescit, dividi Poloniam in Majorem & Minorem? Quis, Ducatum, imo Imperium Kioviense, olim ipsis Orientis Imperatoribus formidabile, extitisse dubitat? quod, ni Schisma obstitisset, longo temporis cursu titulo & re ipsa, dignitate potentissimi Regni gavisum fuisset. Quis ignorat, fuisse aliquando Haliciae Regnum, quod nunc per incorporationem Russiae, Poloniae Minori adjunctum est? Ex quibus rationibus exemplo aliorum Regum, Regi Poloniae etiam jure tribui debet titulus Regis Poloniarum, vel Regnorum Poloniae quod unum est.

Sed audiamus, amabo, quid non licere Regi Poloniae praetendunt Sueci: Sed quod inter precipua (inquiunt) merito censei debet ne quidquam intactum relinquissent Rex Poloniae, quo jugulum Status Suetici posset. peregrinas etiam classes in mare Balticum non ita pridem inducere est conatus; faderaque cum variis Principibus Populique qui dictum mare accolunt ac frequentant inire, S. R. Majestate sola exclusa; ut luce Meridiana clarius sit, dictas classes adversus S. R. Majestatem Regnumque Sueciae fuisse destinatus.

Novum vere & insolens genus querimoniarum. Sueciae Regi cum penitus nulla superesset ratio de Rege Poloniae expostulandi quasi molitus aliquid fuisset adversus Sueciae Regnum, gravissime conqueritur, non quod externas classes in mare Balticum induxerit, sed quod eas inducere conatus sit. Querit

tur, non quod cum exceptione Regni Sueciæ fædus sancitum fuerit, sed quod sancire id voluerit. Queritur, non quod violato fædere classem adversus Sueciam Poloniæ Rex instruxerit, sed quod nimirum hoc inanimò habuisse videatur. Cum quo tandem iustam causam bellandam non habebunt Sueci, si tales præsumptiones ad arma iustificanda sufficient.

Sed esto: Remotarum gentium classes ad mare Balticum invitaverit: Fædera cum diversis Principibus & Populis statuerit, quid tum? dummodo non adversus Sueciam, fædus non violatur, non infringuntur induciæ. An ergo regnante Rege Sueciæ nemo regnabit? nec licebit Regibus instruere classem, aut fædus sancire quando ita videbitur, cum hoc semper authoritati summæ conjunctum sit? Quare Sueciæ Reges quando illis libuit hoc jure usi sint & nunc utuntur? Unde istud Privilegium quod mare Balticum soli Regno Sueciæ adstrictum sit Polonis & Danis exclusis? Nonne stupiditas summa foret, Re pub. Polonæ liberum usum Maris vel negare vel controvertere, quæ integro littori à Cassubia Pomeraniæ contermina incipiens, usque ad fines Moschoviæ dominatur? Satis me hercle, impedimenti habet navigatio ab instabilitate & ferocia ventorum. Quid putamus, quale impedimentum habitura foret si etiam nutum Suecorum ad pandenda in Mari Baltico vela expectare oporteret.

Verum enim vero, ad quid perditio ista temporis? probando nimirum, Inducias tempore Serenissimi IOANNIS CASIMIRI moderni Poloniarum & Sueciæ Regis ex parte ejus inviolatas semper mansisse. Ipsimet Tractatus pacis Lubecæ & non in finibus Livoniæ instituti, abunde testantur, Inducias ipsas nunquam per ipsum violatas, fuisse. Nam, in casu violationis, ex præscripto ipsarum Induciarum, utriusque Gentis Judices, petente parte læsa, ad fines Livoniæ congregari opus fuisset. Patet ergo, nullam fractionem fœderum ex parte Polona intervenisse & tractatus Lubecenses institutos fuisse tantum, ut de perpetua pace stabilienda durantibus induciis consilium iniretur.

Sed, & ipsimet Sueciæ Legati circa discessum ex primo Lubecensi congressu (uti ex præinfecto Rescripto, literis Regina Christianæ ad Legatum Gallicum datis postea confirmato, videre est) testati sunt, se unanimi consensu & propter difficultates quasdam subortas congressum & tractatus pacis in aliud tempus differre INDVCIIS tamen ILLÆSIS manentibus.

Hoc idem demum Rex Possessor modernus Sueciæ in literis denunciatoriis injuriæ suæ assumptionis ad Regnum ILLÆSAM CONTINUATIONEM INDVCIARVM discrete confirmat; Quarum literarum ecce tenor sequitur.

TENOR

TENOR LITERARVM.

NOS Carolus Gustavus Dei Gratia Suecorum, Gothorum, Vandalorumque Rex, Magnus Dux Finlandia &c. &c. &c. Serenissimo Principi, Fratri, Consanguineo Vicino & Amico Nostro charissimo, Domino IO ANNI CASIMIRO Regi Poloniae Magno Duci Lithvanie &c. &c. &c. Salutem & omnia prospera.

Serenissime Princeps, Frater, Consanguinee Vicine & Amice Charissime. Cum illius motu, qui cuncte mortalium disponit Regesque Regnis dat, visum sit Serenissima ac Potentissima Principi ac Domina, D. Christina Dei gratia Suecorum Vandalorumque Regina, Magnae Principi Finlandia &c. &c. &c. Matri Nostrae, omni filiali cultu ac veneratione prosequenda, plusquam Materna cura amoreque erga Nos, atque certis de causis gubernaculis Imperii hereditarii se abdicare, summamque rerum ad nos, accedente omnium Ordinum huius Regni consensione, transferre, sequentibus confestim coronationis nostrae solemnibus, alienum ab Officio animoque nostro fore iudicavimus, nisi exordio Regiminis nostri DEVM Optimum Maximum precaremur, ut hoc Orbi Christiano, nobis Regnoque Nostro & Serenitati Vestrae, communibus qui Amicis felix ac faustum esse velit, & Serenit. Vram, considerantes scilicet illum propinqui sanguinis nexum, qui nos cum eadem jungit, atque antiquam illam inter utraque hac Regna necessitudinem per complures jam annos Induciarum Pactis restauratam continuatamque de hisce Imperij nostri auspiciis edoceremus, atque omnia prospera Serenitati Vrae Poloniaeque Regno ac Populo comprecaremur; denique Officia Nostra paratissima, & quaecunque ab Amico & tam propinquo sanguine procedere possunt, fidem optimo affectu deferremus. Proinde, si qua in re gratam Serenitati Vestrae operam prestare poterimus, est quod Nobis indicet, ita de Nobis dispositura, quemadmodum utrique Nostrum conducere existimaverit, prout Nos etiam confidimus, Serentem Vram hunc affectum Nostrum pari erga Nos Regnumque Sueciae voluntate pensaturam Has literas perferendas, & si opus fuerit explicandas uberius tradidimus Ministro Nostro Dantisci Egregio & Spectabili nobis sincere fideli Ioanni Kock, quem ut Serenitas Vestra Nostrae causa benevolentia sua complecti velit, rogamus, confidimusque. Quibus finientes DEVM veneramur ut Serenitatem Vram tueatur florentem & incolumem, letisque & secundis rebus semper gaudere sinat. Dabatur in Regia Nostra Stockolmensi die 3. Iulij Anno Domini 1654.

Serenitatis Vestrae,

Bonus Frater Consanguineus
& Amicus.

CAROLUS GUSTAVUS.

Ex quibus argumentis & documentis, præsertim verò ex propria ipsorummet Suecorum confessione unicuique clare patere potest, Reges & Rempublicam Poloniam sanctitatem Inductarum nec omissione nec commissione unquam violasse, quod ad probandum assumpseramus.

Examinandum nunc restat Tertium Responsionis nostræ punctum, nempe, an Sueci easdem observarint: an studium pacis & amicitiae, quod pleno ore resonant, actionibus comprobarint: & an iuste arma sumplerint ad Poloniam invadendam, nec ne? & quidem exordio ab illa actione sumpto, quæ & si parum vel nihil ad rem præferrem facit, tantoperè nihilominus in scripto Suetico decantatur, & pro irrefragabili sinceræ amicitiae ac propensæ voluntatis argumento allegatur.

Jactant enim, Reginam Christianam post mortem REGIS VLADISLAI, Serenissimos Principes ejus Fratres Poloniae Ordinibus liberis suis ita commendasse, ut ejus intercessione Serenissimus IOANNES CASIMIRVS Regnum adeptus sit, inde inferentes magnitudinem amoris quo Suecia in Principes Poloniae ferebatur; studium pacis & confidentiæ stabilien-dæ quod in sinu fovebat: & gratitudinem, quæ ab illisdem Principibus illi debetur.

Respondendo: omittere liceat narrationem injuriosi conatus Ducis Suedmaniae Caroli, quia quibusdam malis Consiliariis specie politicae prudentiae circumventus & seductus, Anno 1595. Regem Poloniae & Sueciae SIGISMUNDUM III. nepotem suum Regno hæreditario spoliavit, quod (DEO volente) seorsivo scripto examinabitur, & tantum sufficit innuere Domum Carolinam intuitu istius spoliis obstrictam fuisse Domui SIGISMUNDIANÆ non tantum apud Ordines pro Regno Poloniae intercedere, verum Regnum ipsum Sueciae restituere. Sed ad alia,

Tenebatur Regina, Principibus Polonis hoc officio suffragari ex gratitudinis nexu, Regia illa nempe animi magnitudine devincta, quam VLADISLAUS, Gustavo Christianæ Parente mortuo, exercuit; qui cum turbatum temporis in Suecia excitare potuisset, tenera tamen atque infirma ejus ætate ad privatam utilitatem abuti noluit.

Tenebatur, ex communiconfuetudine, nec officium hoc Christianam prætermisisse decebat, quin magis suæ existimationi quam alterius utilitati no-cuisset. Turpe enim & indecorum videri poterat hoc Judicii sui testimonium Serenissimo IOANNI CASIMIRO Consanguineo suo saltem specie tenus non impertiri, quod illi tot Principes non tam arcta cum eo consanguinitate conjuncti, propensa tamen animi voluntate tribuerunt.

Sed esto: non potuit patere Serenissimo IOANNI CASIMIRO via ad Regium Poloniae Thronum conscendendum, nisi ex Suecorum Principum literis. scripserunt. Conscendit. Verum cum ex ista superficialitate de intentione, qua ad hoc factum accesserunt minimè constet, opere precium erit illam ex subsecu-

subsecutis actionibus indagere, ut quid & quantum ipsis debeat, inde meriti possit.

Emanarunt haud multo post (certè ex consilio Suetico) sub Christina nomine literæ, (quarum Originale extat) quibus defectio Civitatis Gedanensis sollicitabatur, & modus executionis proponebatur ordiebaturque. sed frustra. Novit namque prudens & circum spectata illa Civitas semper metiri, quantum honorificæ Quietis & non fucatæ Utilitatis ex Polonici Imperii & suæ Fidelitatis mixto illi resulter. Eccè. Claudicamus in principio Concordantne hæc? commendare aliquam ad Regnum & statim primarias ejus Civitates clavelque Provinciarum ad defectionem sollicitare.

Deinde, Vice Cancellarium Poloniae Jure mediante degradatum, confensuque omnium Ordinum Perduellem declaratum fovere Stokolmi, pensionem etiam adhibitam, non dubitarunt; nec ab hoc abducere illos potuerunt vel punctum secundum essentiale pactarum Induciarum, cui contraveniebant; vel respectus Jutis Gentium, quod lædebant exemplo omnibus dominantibus pernicioso. Forsan meditabantur illo uti ad amorem conciliandum inter regna, & amicitiam sinceram ineundam inter Reges; & unicuique volenti fuisset credibile, nisi hæc duo sequentia omnem fidem corrumpissent. Primum: miserat Regina Christina, Internuncium suum cum Literis ad serenissimum modernum Regem Poloniae, sed principaliter in mandatis habuit (patuit ex facto) complures literas clanculum distribuerè à prædicto Vice Cancellario ad Optimates quosdam virosque Nobiles datas, quibus eos non obscure ad perfidiam hortabatur. Et cum ex eis multi ipsas illas literas Regi obtulissent, Rex vero literis suis apud Reginam de hoc conquestus esset, Magnanima illa Princeps vi veritatis convicta conticuit, nihilquè ad literas respondere jussit. Secundum; Manifestum ejusdem Vice Cancellarii Stokolmii typis mandare permiserunt, quo Majestatem Regiam Legitimi Domini sui enormiter lædebat; insultabat Patriæ; in viros conditione, qualitate, gradu Illustres debacabatur; & Rebellionum omnium Parentes (Odium & Contemptum Regis, & Regiminis intellegimus) in Populis excitare conabatur. Reverà si hæc amoris sunt effectus & signa desiderii sinceræ amicitiae ineundæ, liceat alia nomina ab omnibus ante actis sæculis in summo prærio habita, in posterum de-testari.

Cofaci quoque in sua contumacia confirmati & ad fœdus cum Regina invitati, satis testantur, Suecos Regem optasse, sed (moribus antiquis) illum sine Regno videre voluisse. Verebantur enim, ne per pacem & unionem partium Poloniam rempub. constituentium, occasio invasionis præmeditatæ ante armorum præparationem elaboretur, & spe præconcepta dilata. Imperii frustrarentur.

Moschici demum Legati, tertius jam labitur annus, Regiam Majestatem Leopolim adeuntes, hoc inter colloquia cum Senatu fassi sunt accepisse nempe à Suecis, quod ommissio Titulorum in privatorum literis ex privatâ occasione ad Magnum Ducem luuim datis, crumen sit pacem & quavis fœderatum pere valens; ut non obscure inde colligi possit, Tractatus cum Legatis Ejusdem Magni Moschorum Ducis eodem fere tempore à Suecis Stockolmii habitos & (quod publicum Jubilum cum tormentorum explosione indicavit) conclusos, circa aggressionem Lithvaniæ versatos fuisse, quod & eventus paulò post confirmavit. Ut taceamus cum aliis Principibus relationem ad Poloniam habentibus, & cum variis ejus Subditis tentata molimina, factas pollicitationes, & data consilia, ut illos cum Poloniæ præjudicio aliquomodo pervertere possent.

Uno verbo: Apparet Suecos illud hic consulto fecisse, quod Figulis, quando vasa statim post elaborationem frangunt, casu accidit, quos, si quis tunc causæ ignarus inspiceret, crederet facile, illos non ad usum aliorum vasa finxisse, sed illarum intentione elaborasse, ut aliquid ad destruendum haberent.

At, hæc incidenter Sufficit, superiori narratione Actionum sub regimine Christinae subsecutarum, breviter nos ostendisse, non habere Suecos reale fundamentum unde inferant vel amorem, vel amicitiae pacisque studium, & multominus ullum obligatorium actum erga regem & rempub. Polonam ex illorum consiliis processisse, imò potius hostilis animi signa undiquaque apparere, & (quod majus) ex parte illorum Fœdus & Inducias multoties fractas & enormiter violatas fuisse.

Sed & ultra processerunt, nam vix Christina, Sueticorum consiliorum violentiæ forsan impatiens & pericula, Regno se abdicaverat, cogitationes Regnum Poloniæ tot hostium inundatione obrutum devastandi serio amplexi, illius regem repentinis & minime antea manifestatis armis, contra omnes & æquum adorsi sunt.

Nos hucusque prætextus omnes justî belli è medio sustulimus, & re, ut durante toto hoc tempore Induciarum gesta est, accurate enucleata, quomodo Induciæ à Suecis ipsis multifariam violatæ sint, in medium protulimus. Ad duo tantum Suetici scripti puncta nihil respondimus consulto hic reservata, ut probata prius Polonorum innocentia & Suecorum culpa, de eorum etiam animo paci semper adverso, clariorem inde consequentiam eliceremus.

Dicunt enim primo, in Pactis extare: quod licet Tractatus pacis perpetua semel iterumque non successisset, firmas nihilominus & inviolabiles manere debuisse Inducias; quod & nos fatemur. Postea subjungunt: *artamen cum nihil presidii in Pactis habueris*

habuerit Sac. Reg. M^{ts}, quippe toties à Rege Polonia violatis, ad arma recurrere necessu-
quidem fuit (& paulò post) nec sine maximo detrimento Sac. Reg. M^{ts}. Regniq. Sveciæ ex-
pectari Pactorum exitus potuisset, tam frequentibus & exitialibus Regis Polonia machina-
tionibus.

Secundo: contra sensum esse Pactorum, ut pluries quam his Commissarij utriusq.
gentis convenirent, nam verba illa semel iterumq., non pro pluries repetitè vicibus accipi de-
bere, sed pro bino tantum: ne repetitus sapissimè congressus, mentes exacerbaret, & Partes o-
mnium gentium ludibrio exponeret, maximarumq. impensarum causa esset. Hæc illi, per
modum responsionis ad Regis Poloniæ objectiones Spiritu Prophetico prævi-
sas, scribunt: & exultatione non petita manifeste semetiplos accusant, & con-
vincunt.

Sed, ut evidentius pateat, reducamus in unum illorum duorum puncto-
rum sensum. Præterdunt Sveci vigore Pactorum non teneri nisi ad illos duos
congressus jam præteritos: & ne illis objiceretur, quod questio non sit de reite-
ratione congressus, sed de integritate Induciarum, subjungunt: debuisse Indu-
cias rumpere quia securitatem non habebant contra exitiales machinationes
Regis Poloniæ.

Negare imprimis necesse est, verba illa *semel atq. iterum* bino tantum signifi-
care; ne fateri videamur, Latium à Sveciâ interpretationes recipere debere.
Nam, Latinâ linguâ his notat dualitatem: iterum v^{erò}, numerum quoties libue-
rit sumptum. Et communiter dicitur, res decies, centies, &c. iterata, non
dualifata.

Ostensum deinde est superius, Regem Poloniæ nec cogitatione Inducias
violasse, tantum abest, quod aliquid contra Regem Regnumque Sveciæ moli-
tus sit. Præterea, Rex Possessor modernus Sveciæ, Literis præinsertis in Iulio
Anni præteriti Millesimi Sexcentissimi Quinquagesimi Quarti ad Regem Po-
loniæ datis, non solum illâ sanâ illam continuationem Induciarum, quam Nos
asserimus, confirmat, sed penè totus in contestationibus amoris, & omnium
prosperitatum appretiationibus, diffunditur. Propinqui sanguinis nexum com-
memorat, & gratiam suam operam si in quâ re præstare poterit, verbis affectu
plenis offert. At, post annum in speratè & inter pacis Tractatus, Regnum illi
invadit, occupat, devastat: Loca Deo Sacra polluit: Provincias caede, cineribus,
& ruinis implet: omnia suisque deque vertit. Quidnam tam grande committere
potuit Rex Poloniæ unius anni spatio, quod jugulum Regni Sveciæ non esset ab
ejus insidiis securus? Quo necesse foret, vel ad vim propulsandâ, vel ad incolu-

inuitatem tuendam, faces aprate dextris & enses? Scrutemur quid fecerit Rex Poloniz illo anno, & quid illi acciderit, ut inde colligere possimus illius inspeciam animum.

Sanè nihil inveniri potest præter hoc, quod, sacramento pacis perpetuæ securus à Magno Duce Moschovia bello adorsus fuerit: & quod torà hyème, ab eodem cum Cozakis conjuncto, bello dissentus, Exercitum suum aliquatenus debilitaverit. Ergo non ulla injuriæ, non ullus timor exitiis, non petitum jugulum, sed simpliciter, occasio commode invadendi & occupandi Regnum, Suecos ad frangendum foedus & violandas Inducias impulit.

Sed esto: non tenebamini, juxta vestra commenta, nisi bistantum Lubeam congregi: Rex Poloniz otiosus & altissimâ pace fruens, occupationem Regni Sueciæ, juxta vestras suppositiones, assiduè meditebatur: uno verbo, non eratis Induciarum sanctitate securi. Quare ergo non amplexi estis pacem, quam vobis citra omnes sumptus itinerum & citra quævis Gentium ludibria, obtulere domi vestræ Stockolmi Legati Poloni ætate præterita? quare iisdem, quando prævidenti prudentia omnibus vestris protelationibus & subterfugiis obviam ibant, respondistis, velle vos sub clypeo pacem tractare? Profecto, in eum qui Jure agere & satisfacere paratus est, nefas bellum sumere, tanquam in Inimicum. Jure, idcirco, obstupûere optimi Legati, quando loco tractationis pacis, bellum illis Stockolmi primum denunciastis: & exprobrantibus illis, vos sine ulla justa causa, & sine denunciatione belli Regno innoxio arma inferre, famam publicam clarigationem supplere respondistis: Famam nempe illam, Cujus incertitudine nemo minem periebatis, quia omnes: Cujus rumoribus atque auditionibus nunquam permoveretur Prudentia, ut de summis rebus sacramento firmatis temetè consilia ineat. Nihil demum proficere potuerunt etiam si, quid tandem futurum esset de summa rei controversa, ut injusta arma vestra listerent, in ipso Legationis suæ exordio declarassent. Sed etiam post invasionem Regni, quare pacem toties oblatam semper elusoriis verbis repudiastis? nonne hinc clarè patet vos bellum contra omne fas & æquum omnino voluisse, tempus advenisse rati, quo ea omnia perfici poterant, quæ in consilio vestro de occupandâ Prussiâ; de subjugandâ Daniâ; de redigendâ navigatione maris Baltici in absoluta vestra potestate; de augenda hoc modo vestra potentia, & de evertendo demum utroque Romano Imperio, vestra cogitationum circumrotatione, à multis annis moliebamini? Quicquid sit, obiter & sobriè hæc omnia tangimus, serie namque ab utrinque gestorum sincere præmissa, intentionis utriusque Partis liberam consequentiam Orbirelinquimus. Nobis quippè sufficit certocertius scire, Dæum, fractorum juramentorum justum vindicem, veritatem ostensurum esse, & eos, qui mala fide & dolo aliquid gesserint, certissimè tandem confusurum & puniturum.

Habitus,


Habetis, IMPERATOR & REGES, ceterique Europæ PRINCIPES, qua fide
cum Regno Poloniæ actum sit ab illis ipsis Suecis, qui Vestram approbationem
non ita pridem sibi conciliare studebant; Vosque Generosissimæ Regni Po-
loniæ Gentes, inter tot fortunæ vicissitudines, animum ne despondite; imo
hæc duo pro certissimis habetote: Præpotentia Imperii, agitatione rerum, ad priscam
fortitudinem & virtutem excitari: & quod nulla quamvis minima Natio cito ab
adversariis deleri possit, nisi propriis simulacribus, se ipsam
consumpserit.

F I N I S.



THE UNIVERSITY OF CHICAGO
LIBRARY
CHICAGO, ILL.
1911





1285

Biblioteka Jagiellońska



stdr0018095

1410..

